

## 1.5 B1-DBH4 | 3 Zuzenduta (moldapenak nabarmenduta)

## BIHAR ITSU JAIKITZEA

Bihar itsu jaikiko banintz nire bizitza erabat aldatuko litzateke; horretan pentsatzen dudan bakoitzean konturatzen naiz zein gogorra den itsuen bizitza. Askotan imajinatu izan dut halako batean itsu jaikiko banintz zelakoa izango litzatekeen nire bizitza.

Hasteko, itsu izateak gauza askotan mugatuko ninduke, adibidez, zailtasunak edukiko nituzke kirola egiteko eta, horregatik, gauza asko egiteari utzi beharko nioke.

Kirolaren gaitik aparte, askoz garrantzitsuagoak diren gaietan oso mugatuta egongo nintzateke, nahiz eta garrantzi handia duen kirolak niretzat. Hala ere, txarrena da maite ditudan pertsonak ezingo nituzkeela gehiago ikusi, azken finean, eurak baitira gure bizitzaren zati handi bat.

Gainera, oraindik gaztea naiz, eta itsu izanda etorkizunean oso zaila izango litzaidake familia bat izatea. Alde batetik, pertsonak ez baikara itsuekin maitemintzen, eta maitemintzen baldin bagara oso kasu gutxitan. Beste alde batetik, itsua izanez gero oso zaila delako ikusi ezin dugun pertsona batekin maitemintzea. Eta ez da hori bakarrik; demagun ezkontzen naizela eta seme-alabak ditugula, bada, ezingo nituzke hazten ikusi eta inoiz ezingo nuke jakin zehaztasunez nolakoak diren.

Aipatu beharra daukat asko gustatzen zaidala irakurtzea eta telebista ikustea eta itsu izanda ezingo nituzke irakurri gustatzen zaizkidan liburua eta pelikula ikusi.

Beste gauza bat asko kezkatzen nauena da kaletik itsu banenbil askotan txokatuko nintzatekeela, eta ingurukoek barre egingo lukete.

Beraz, hau guztia esan eta gero, argi dago itsua izateak eguneroko bizitza asko baldintzatzen duela eta ikusmena zentzumen garrantzitsuenetako bat dela.

Lehen Kal. 5,1  
Zuzenketa +2,0  
Azken Kal. > 7,1